



Adresa: **Ul. H. Čemerlića 39A**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-I/25-2-40-363-4/17**

Datum: **06.07.2021. godine**

«Agencija za vodno područje rijeke Save» Sarajevo rješavajući po zahtjevu «Agencije za vodno područje rijeke Save» Sarajevo podnesenom putem „Sektora za realizaciju investicionih projekata“, za izmjenu rješenja broj: UP-I/25-2-40-363-2/17 od 23.05.2017. godine u smislu promjene tehničkog rješenja, na osnovu člana 262. Zakona o upravnom postupku («Službene novine Federacije BiH», broj 2/98 i 48/99), donosi

RJEŠENJE **o izmjeni rješenja o vodnoj saglasnosti**

1. Mijenja se rješenje izdato od strane ove Agencije broj: UP-I/25-2-40-363-2/17 od 23.05.2017. godine u tački 1. vodne saglasnosti te ista glasi:

«Agencija za vodno područje rijeke Save» Sarajevo, postupajući po službenoj dužnosti, izdaje vodnu saglasnost na:

- Novelaciju Glavnog projekta – „Uređenje lijeve obale r. Bosne u Kaknju – dionica: Cementarin most - most Mladosti - između profila P1 i P15a“, urađen od strane „ES Hydrotechnics“ d.o.o., februar 2021. godine.
2. Ranije ovjereni Glavni projekat – „Uređenje lijeve obale r. Bosne u Kaknju – dionica Cementarin most - most Mladosti“, „ES Hydrotechnics“ d.o.o., februar 2013. godine, potez od profila P1 do P15a, dužine cca 600 m, se smatra nevažećim.
 3. Ostale odredbe dispozitiva Rješenja broj: UP-I/25-2-40-363-2/17 od 23.05.2017. godine ostaju nepromijenjene.

Obrazloženje

Investitor, «Agencija za vodno područje rijeke Save» Sarajevo, putem „Sektora za realizaciju investicionih projekata“ Agencije je podnio zahtjev za izmjenu rješenja o vodnoj saglasnosti broj: UP-I/25-2-40-363-2/17 od 23.05.2017. godine, za aktivnost uređenja lijeve obale r. Bosne u Kaknju – dionica: Cementarin most - most Mladosti - između profila P1 i P15a, Općina Kakanj, u cilju obezbjeđenja proticajnog profila i preduzimanja preventivnih mjera zaštite od poplava.

Navedeni su i razlozi zbog kojih se traži izmjena rješenja odnosno novelacija projektne dokumentacije i isti se odnose na prilagođavanje projekta novonastalim uslovima na terenu.

U prilogu zahtjeva dostavljena je slijedeća dokumentacija:

- Kopija rješenja o vodnoj saglasnosti broj: UP-I/25-2-40-363-2/17 od 23.05.2017. godine, izdato od strane «Agencije za vodno područje rijeke Save» Sarajevo,
- Rješenje o odobrenju za građenje broj: 12-23-04651/17 od 17.07.2017. godine, izdato od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
- Kopija Aktuelnog izvoda iz sudskog registra Općinskog suda u Sarajevu, broj: 065-0-RegZ-14-002716 od 21.04.2014. godine izdato od strane Općinskog suda u Sarajevu,
- Kopija obavještenja o razvrstavanju pravnog lica prema klasifikaciji djelatnosti, broj: 07-32.5-45391/12 od 11.12.2012. godine, služba za statistiku za područje Kantona Sarajevo,
- Kopija uvjerenja o poreznoj registraciji, Porezna uprava FBiH - Kantonalni porezni ured Sarajevo, od 14.12.2012. godine.

U dostavljenom zahtjevu je obrazložena potreba za izmjenom tehničkog rješenja uređenja obale od profila P1 do P15, zbog značajno izmijenjenog stanja obale (velika oštećenja postojeće obaloutvrde od lomljenog kamena) u odnosu na stanje planirano osnovnim Glavnim projektom iz 2013. godine.

Koncepcija postavljena u glavnom projektu je zadržana a planirane izmjene se odnose na izmjenu oblogue kosina korita, koja se mijenja tipom obloge kakva je predviđena i na uzvodnoj – izvedenoj dionici.

U provedenom postupku koji je prethodio donošenju izmjena ovog rješenja utvrđeno je:

- Investitor je za potrebe izrade Novelacije glavnog projekta angažirao projektnu kuću „ES Hydrotechnics“ d.o.o., Sarajevo, koja je uradila Novelaciju glavnog projekta „Uređenje lijeve obale r. Bosne u Kaknju – dionica Cementarin most - most Mladosti, između profila P1 i P15a“, februar 2021. Projektne kuća „ES Hydrotechnics“, d.o.o., Sarajevo posjeduje ovlaštenja za izradu projektne dokumentacije prema Pravilniku o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti („Službene novine Federacije BiH“, broj 17/08 i 38/12). Novelacija glavnog projekta je revidovana od strane projektne kuće „Higracon“ d.o.o. Sarajevo, juni 2021. godine koja također posjeduje potrebna ovlaštenja.
- Projektant je prilikom izrade projektne dokumentacije uvažio i u istoj priložio opise i nacрте uobičajene za ovaj nivo projektne dokumentacije:
 - Situativni prikaz sa ucrtanom dionicom planiranih radova uređenja lijeve obale rijeke Bosne sa pozicijom planiranih objekata za zaštitu od poplava, razmjere 1:1000. U projektnoj dokumentaciji je priložen uzdužni i poprečni profili lijeve obale rijeke Bosne u razmjeri 1:100, sve urađeno na bazi geodetskih podloga koja su urađene za potrebe izrade ove projektne dokumentacije;
 - Na bazi rezultata do sada urađenih hidroloških analiza i obrada velikih voda rijeke Bosne (na VS Dobrinje) i njene pritoke Zgošće je u okviru ovog Glavnog projekta provedena hidrološka analiza uz uvažavanje pretpostavki o koincidenciji pojave velikih voda na ova dva vodotoka i usvojeni mjerodavni proticaji ranga pojave Q_{20} , Q_{50} i Q_{100} kao osnove za hidraulički proračun, tj. određivanje nivoa velikih voda u prirodnom stanju i dostizanje nivoa velikih voda nakon provođenja planiranih radova na izgradnji objekata za zaštitu od poplava na lijevoj obali rijeke Bosne sa uvažavanjem zahtjeva u pogledu nadvišenja od 0,8 m od kote velikih voda ranga pojave 1/100;
 - Tokom izrade projektne dokumentacije su korišteni rezultati geoloških i geomehaničkih istražnih radova iz Elaborata o inženjersko – geološkim i geomehaničkim karakteristikama terena i tla za potrebe regulacije rijeke Bosne kroz naselje Kakanj u Kaknju urađen od strane „Geosonda bh“ doo Tuzla, mart 2002. godine, a na bazi kojih su provedeni statički proračun i proračuna stabilnosti kosina i nasipa regulisanog korita;
 - Analizom preuzetih podataka predviđeno je novo tehničko rješenje zaštite lijeve obale i obalnog područja rijeke Bosne, između profila P1 i P15a;
 - Na dionici od 0+000,00 do 0+407,54 odabrana je varijanta izgradnje nasipa širine 4,0m sa šetnicom i parapetnim zidom na kruni nasipa visine 0,5 m na kojem je planirano postavljanje drvenih klupa za sjedenje. Nadvišenje iznad kote velikih voda ranga pojave 1/100 iznosi 80cm. Kosina nasipa prema vodnoj strani iznosi 1:2, a prema branjenoj 1:1,5;
 - U nastavku ove dionice od stacionaže 0+407,54 do 0+493,54 predviđena je zaštita obale sa izgradnjom nasipa i parapetnih zidova, uljučujući i šetnicu. Zbog kolizije sa lokalnom saobraćajnicom i nedostatka prostora na branjenoj strani uz saobraćajnicu predviđen potporni zid ukupne visine 2,10 m;
 - Od profila P13 do P15a (0+493,58 do 0+593,61) izveden je parapetni zid i planirano uklapanje novoprojektovanog zida u postojeći. Od stacionaže 0+493,58 do 0+576,53 izgrađena je šetnica te je novoprojektovanu šetnicu potrebno uskladiti sa postojećom.
 - Proveden je proračun vučnih napona u cilju određivanja krupnoće kamenog nabačaja koji će se koristiti za oblaganje kosine obale, kao i proračun stabilnosti kosina.

Uvidom u dostavljeni zahtjev i priloženu dokumentaciju utvrđeno je da su radovi za koje je izdato rješenje o vodnoj saglasnosti i odobrenje za građenje započeti te se izdata vodna saglasnost smatra važećom a zahtjev podnosioca osnovanim.

Uvažavajući obrazloženje podnosioca zahtjeva uz dostavljenu dokumentaciju i uvida u činjenično stanje koje neće dovesti do bilo kakvih promjena na terenu, zahtjevu za traženu izmjenu rješenja se može udovoljiti, te je ova Agencija odlučila kao u dispozitivu ovog Rješenja.

U skladu s odredbama člana 262. stav 3. Zakona o upravnom postupku («Službene novine Federacije BiH», broj 2/98 i 48/99), ovo rješenje djeluje samo za ubuduće.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15.00 KM administrativne takse, prema tarifnom broju 3. Tarife federalnih administrativnih taksi.

Obrađivač akta

Nihad Pezo, dipl.inž.građ.

Prilog:

Novelacija Glavnog projekta – „Uređenje lijeve obale r. Bosne u Kaknju – dionica: Cementarin most - most Mladosti - između profila P1 i P15a“, urađen od strane „Es Hydrotechnics“ d.o.o., februar 2021. godine.



**Po ovlaštenju
Rukovodilac sektora za
izdavanje vodnih akata**

Haris Ališehović, dipl.inž.građ.

Dostaviti:

- «Agencija za vodno područje rijeke Save», Sektor 30 (Prilog);
- ⊖ AVP Sava, ISV-vodna knjiga – ovdje
- Arhiva – ovdje
- AVP Sava – Oglasna ploča